

Rêberîya Sihetê û Lênêrînê MECLISA WÎLAYETA STOCKHOLMÊ

Înfluensaya Berazan

Înfluensaya berazan cûreyeka nû ya înhluensayê ye. Loma jî laşê gelek kesan li hemberî wê ji hêza berxwedanê bêpar e. Îşaretên vê nexweşiyê bilidbûna agir, kuxîn, êşa qirikê, êşa laşê mirov, êşa serî û westandîbûn e. Her weha mirov dikare îshal bibe û vereşe jî. Eger bi mirovî re îşaretên înhluensayê hebin divê mirov heta roja ku agirê mirovî dakeve, li malê bimîne. Ji bona kesên ku li Stockholmê dijîn yan jî dê demeke dirêj li Stockholmê bimînin aşîya li hember înhluensaya berazan bêpere tê amadekirin.

Bi vê înhluensaya nû A(H1N1) ya ku bi giştî jê re înhluensaya berazan tê gotin, berîya her kesî yên ku emrê wan jî 30 salî piçûktir e, pê dikevin. Lê mirovên di her emrî de dikare bi vê nexweşiyê bikeve. Piraniya wan kesan bi awayek sivik vê nexweşiyê derbas dikin. Li Swêdê bi tenê hejmareke kêmtir yên nexweşan hewceyî tedawîya li nexweşxaneyê bûne. Ji wan kesan ku bi nexweşîya înhluensaya berazan ketine, bi tenê ji sedî 5 hewcedarê tedawîya li nexweşxaneyê bûne ku ji bona beşek ji wan kesan re lîênêrîna întensîv pêwîst bûye. Bi tenê hejmareke kêmtir ji kesên bi vê nexweşiyê mirin.

Dişibe înhluensaya normal (asayî)

Îşaretên înhluensaya berazan, înhluensaya normal tîne bîra mirovî. Agirê mirov bilind dibe, kuxik, êşa qirikê, êşa di laşê mirovî de, êşa serî û westandîbûn bi mirov re peyda dibe. Her weha înhluensaya berazan dikare bibe sedema îshalê û vereşandinê jî.

Ev înhluensa bi giştî ji pênc heta heft rojan dewam dike lê mirov dikare ji du heta sê hefteyan jî xwe westandî hîs bike. Mîna di înhluensaya normal de peyda dibe, dikare encama vê înhluensayê de jî nexweşiyên înfamasyonê pişikê, sînzît û enfeksiyonên din peyda bibin.

Bi van awayan dikarî xwe ji wergirtina nexweşiyê biparêzî

Înhluensaya berazan bi eynî şeklê înhluensaya normal derbas dibe. Dema ku kesek nexweş bikuxe yan jî bipişke vîrus li hewayê belav dibe û kesên li derûdor bi rêyên nefeswergirtinê vîrusê digrin. Eger mirov li cîhên sergirtî de gelek kesan re bi hev re be û peywendî deyne hîn hêsantir dikare nexweşiyê werbigre. Li derve nexweşî ewqas bi hêsantir belav nabe. Nexweşî bi rêya goştê berazan yan jî bi xwarinên din re belav nabe û derbas nabe.

Bi van rêyan dikarî rîska wergirtina nexweşiyê kêmtir bikî:

- Xwe ji peywendiyên nêzik yan bi kesên din re, bo nimûne maçikirin yan jî destgirtinê, dûr bixe.

Rêberîya Sihetê û Lênêrînê **MECLISA WÎLAYETA STOCKHOLMÊ**

- Destên xwe gelek caran bişo. Baştir e ku ava desînfeksiyonê ji bo destan bikar bînî.
- Berîya ku destên xwe bi çav, poz yan jî devê xwe bidî, destên xwe bişo.
- Bi kesên ku tu dizanî nexweş in, ji peywendîyên nêzîk xwe dûr bixe.
- Dema bikuxî yan jî bipişkî dev û pozê xwe bi destên xwe yan jî bi destmaleke bigre.
- Li derve gelek bimîne.

Eger tu nexweş ketibî

Ji bona ku ev îfluensa ji vîrusê peyda dibe, bi dermanên antibiyotîk nikare bê tedawî kirin. Eger nexweşîyeke din tunebe, pirî caran tenê kêmkirina êşê têr dike.

- Heta roja ku agirê te namîne, neçe kar yan jî dibistanê û li malê bimîne. Ev, bi pîranî ji pênc heta heft rojan dom dike.
- Eger tu mecbûr nebî ji bicîhanîna karên xwe yan jî hevdîtina kesan xwe dûr bixe. Giring e ku mirov nexweşîyê derbasî kesên din neke.
- Pîr av vexwe
- Îstirhet bike û bêhna xwe vede.
- Pîr rakeve.
- Eger pêwîst be dermanên kêmkirina agirê laşê û yên kêmkirina êşê bistîne.

Miraceata miayenebûnê bike

Eger tu di nava grûbek bi rîsk de yan jî bihemil bî

Ji bo hin kesan mezintir rîsk heye ku ji ber vê îfluensaya nû giran nexweş bikevin. Ev rewş, berîya her tiştî ji bona van kesan derbas dibe:

- Kesên bi nexweşîya kronîk ya dil û damar.
- Nexweşîya kronîk ya pişikê (bo nimûne astma yan jî nexweşîya kronîk ya obstroktîf ya pişikê – NKOP / kurtîya bi swêdî KOL e)
- Nexweşîya kronîk ya kezab yan jî gurçik
- Nexweşîya şeker
- Kêmbûna hêza bexşandibûnê (bo nimûne xeletiyên îrsî yên bexşandibûnê, tedawiyên berdewam yên hêza bexşandibûnê kêmkirin, nexweşîya xwînê, HIV)
- Nexweşiyên nevrolojîk û yên nevrolojîk yên ku tesîrê li nefesgirtinê dikin (bo nimûne ALS - amyotrofisk lateralskleroz-nexweşîyeke ku di navenda sîstema sînîr û mêjîya piştê de bi qelsbûne hucreyên sînîrê peyda dibe, MS-multipel skleroz/nexweşîyeke li navenda sîstema sînîran de ye, nexweşîya parkînsone)
- Qelewbûna (fetma) pîr zêde (BMI [pîvana tîbbî ya nîspeta navbera bejin û qelewîyê ye] ya ji 40an zêde)

Rêberîya Sihetê û Lênêrînê **MECLISA WÎLAYETA STOCKHOLMÊ**

û her weha

- Jinên bihemil
- Zarokên bi nexweşîya celebral pares yan jî kêmendamiya bi multîfonksiyon (pir fonksiyonî) yên wekî din

Eger ku tu di nava yek ji wan grûbên bi rîsk de yan jî bihemil bî û îşaretên nexweşîya îfluensayê hebe divê yekser bi dezgehên sihetê û lênêrînê ve peywendî deynî. Ev tişt her weha ji bona kesek ku nexweşek bi îfluensa ku di nava van grûbên bi rîsk de ye tedawî dîke jî, derbas dibe. Di rewşek wisa de dikarî 24 saet (şevûroj) telefonê Rêberîya Sihetê û Lênêrînê (*Vårdguiden*) ya bi reqema 08-320 100 bikî û dû re reqema 0 hilbijêrî û bi Swêdî û Îngîlîzî tawsiye werbigrî.

Kesên din

Eger îfluensa ji hefteyek zêdetir dewam bike yan jî îşaretên nexweşîyê pir giran bin divê bi dezgehên sihetê re peywendî deynî. Ev dikare îşareta hebûna nexweşîyeke din be yan jî îşareta wê yekê be ku îfluensa ber bi nexweşîyeke cidîtir ve diçe. Di rewşek wisa de dikarî 24 saet telefonê Rêberîya Sihetê û Lênêrînê (*Vårdguiden*) ya bi reqema 08-320 100 bikî û dû re reqema 0 hilbijêrî û bi Swêdî û Îngîlîzî tawsiye werbigrî. Ev, bo nimûne di van rewşan de pêwîst e:

- Eger ji sê rojan zêdetir agirê te bilind be (ji 38,5 derece zêdetir be)
- Zehmetiya te ya nefesgirtinê hebe
- Di sînga te de êşên giran hebe
- Siheta te ya bi giştî xerab bûbe.

Berîya ku telefon bikî, divê neçî Navenda Sihetê û Lênêrînê (*vårdcentralen*) yan jî Navenda Doktorên Malan (*husläkarmottagningen*). Ev tişt ji bona ku tu nexweşîyê derbasî kesên din nekî, giring e.

Mafê xwestina tercuman

Eger tu bi swêdî nizanibî dema tu dezgehên sihetê û lênêrînê yan jî yên lênêrîna diranan zîyaret bikî, mafê te heye ku tercumanek alîkarîya te bike. Ev xizmet bê pere ye. Tu yan jî wekîlê te dema ku ji van dezgehên wext vedîqetînî divê pêwîstîya xwe ya alîkarîya tercumanek bibêjin. Tercuman dikare yan li cîhê zîyaretê alîkarî bike yan jî bi telefonê tercumanî bike

Ev meqale di 23.10.2009an de hatiye nûkirin.

www.vardguiden.se